

## **Elkarrekin Lasarte-Oria Podemos udal-taldeak HIRITARREN BABESA JOKO ETA APUSTUEN NEGOZIOAREN AURREAN buruz aurkezten duen mozioa**

### **ADIERAZTEN DA**

Azken urte hauetan, apustuen eta zorizko jokoen negozioa modu izugarrian biderkatzen eta hedatzen ari da gure kale eta auzoetan, tabernetan eta Interneten. Gaur egun, 256 joko-areto, apustu-lokal eta bingo daude dagoeneko Euskadin, eta horietatik bi hemen, Lasarte-Orian daude. Are gehiago, 11.351 makina txanponjale eta 2.100 apustu-makina inguru daude Euskadin, eta gehienak tabernetan daude. Aurrez aurre egiten den joko horri gehitu behar zaio online egiten diren jokoen eta Internet bidezko kirol-apustuen hazkunde neurrigabea; izan ere, horren inguruko datu nahikorik ez dago eskuragarri, nahiz eta Euskadiko Adikzioen gaineko VII. Planak horren arriskuak aitortzen baditu, bereziki biztanleria gazteari dagokionez. Euskadiko biztanleen % 26 (436.906 pertsona) dagoeneko jokalaria aktiboak dira, azken urtean zehar zorizko jokoren batean astean behin gutxienez dirua jokatu baitute.

Gure bizilagun gazteenak oso helburu erraz bihurtzen ari dira jokoaren esparruan jarduten duten enpresentzat, eta ludopatiaren zabalkundeak osasun publikoaren esparruan dakarren arazo larriak gehien kaltetzen dituen taldea da. Adierazitako enpresak baliabide gutxien, gazteria pobreena eta bizitzan aurrera egiteko aukera gutxien dituen gizarte-esparruekin grinatzen dira batez ere. Jokoeskaintza gero eta maiztasun handiagoarekin aurkezten da eskola eta institutuetatik gertu, eta, ondorioz, bertako ikasleak gero eta gehiago aurkitzen dira jokoaren eragin-eremuan eta adikzio-arazoak sor ditzakeen jarduera bat normalizatzeko joeraren eraginpean. Kasu askotan sarbidearen gaineko kontrolak urriak direnez gero, adingabeen parte-hartzea ez da batere ezohikoa. Horrez gain, nabarmena da plataforma digitaletan eta komunikabideetan online jokoen publizitateak duen nonahikotasuna, inolako ordutegi-mugarik gabe. Jokoaren esparruko enpresek publizitate-eremuak betetzen dituzte unean uneko aurpeirik ezagunenekin, eta kirol "idoloak" baliatzen dituzte gero eta pertsona gazteagoak erakartzeko, mugikorraren, tabletaren edo ordenagailuaren bitartez klik bakar batekin zortea probatzera animatzeko.

Errealitate horren alderik latzena agerian geratzen da, Eusko Jaurlaritzako Osasun Sailaren arabera, dagoeneko 43.000 euskaldunek jokoarekin lotutako jokabide patologiko bat dutela egiaztatzen denean, eta biztanleria gaztearen % 5ak adikzio horri aurre egin behar diola jakitean. Gaur egun, jokoarekin arazoak izateagatik elkarrekin laguntza eske hurbiltzen diren pertsonen profila 26 eta 35 urte bitarteko gizonak eta 36 eta 45 urte bitarteko emakumeak dira nagusiki. Osasunaren Mundu Erakundeak (OME) aitortua duen nahasmendu horrek ondorio larriak dauzka pairatzen duten pertsonengan, horien zirkulu hurbilarengan eta gizarte osoarengan. Hala ere, ezinezkoa da ludopatiaren errealitateari zifra zehatzak jartzea Euskadin, hain zuzen ere Eusko

Jaurlaritzak aldizka gauzatzen duen "Euskadi eta Drogak" azterlanak ez duelako jokoarekiko adikzioa aztertzen, Euskadin adikzioen arloko adituek eta ludopatian laguntzeko elkarteek aldarrikatzen badute ere.

Egoera hori kontuan hartuta, erakunde publikoek esku hartu behar dute gai horretan, arazoak eskatzen duen mailara dauden neurri eraginkorrekin. Eusko Jaurlaritza gai horren gainean protagonista izatea eskatzen da, inola ere ahaztu gabe gure udalerriko Udalak erantzukizun handia duela gure bizilagunak joko patologikoaren atzamarretatik babesteari dagokionez.

Horregatik guztiatik, Udaleko Osoko Bilkuran aurkezten dira honako

## **AKORDIO hauek**

### **1. Lasarte-Oriako Udal Osoko Bilkurak udal-gobernuari eskatzen dio:**

1. Ikus-entzunezko publizitate-edukiaren hedapena eta apustu-kuotak mugatzea udalerrian edo udal-eremuetan egiten diren kirol-ekitaldietan, baldin eta hartzaileen artean haurrak eta gazteak egon badaitezke. Edukiaren hedapena titulartasun publikoko bitarteko eta gailuetan egiten ez dela ziurtatzea.
2. Ludopatiaren aurkako sentsibilizazio-kanpainak egitea arazo horren inguruan lanean ari diren tokiko erakundeekin batera.
3. Lasarte-Orian jokoaren eta kirol-apustuen egoera zein den ezagutzeko azterlan bat garatzea.
4. Lasarte-Orian errehabilitazio-zentroek eta elkarteek ludopatiaren prebentzioan eta laguntzan gauzatzen dituzten programak aurrekontuen bidez babestea.

### **2. Lasarte-Oriako Udal Osoko Bilkurak Eusko Jaurlaritzari eskatzen dio:**

1. Euskal Autonomia Erkidegoan joko arautzen duen azaroaren 8ko 4/1991 Legea aldatzea, joko- eta apustu-lokalak populazio-dentsitate handiko eremuetan metatzea saihesteko eta horien kokapena hezkuntza- eta osasun-zentroetatik gutxienez 300 metroko distantzia erradialera mugatzeko.
2. Jokoaren Euskal Behatokiaren bitartez, jokoaren eta kirol-apustuen egoerari buruzko azterlan sakon bat egitea urtero Euskadin, arreta berezia jarriz online plataformetan eta biztanleria gazteenarengan dituen ondorioetan.
3. Aldizkako "Euskadi eta Drogak" azterlanean Euskadiko ludopatiaren diagnostikoa eranstea.
4. Joko- eta apustu-lokaletarako sarbidea kontrolatzeko mekanismoak ezartzea, adingabeak babesteko eta jolas-denbora arduratsuagoak izatearen alde laguntzeko.

5. Euskadin apustuen eta zorizko jokoan on line publizitatea mugatzea, tabakoarekin eta alkoholarekin lotutako adikzioen kasuan, adibidez, dagoeneko ezarrita dauden mugak ezarriz.
6. Errekargu bat ezartzea Euskadin jokoaren arloko enpresen etekinetan, ludopatiaren errehabilitazio- eta tratamendu-programak finantzatzeko.

Lasarte-Orian, 2019ko urriaren 29an

Bozerramailea Elkarrekin Lasarte-Oria Podemos



David Ares